

先秦—清末



《中國野史集成》編委會

四川大學圖書館

編

中國野史集成

錢謙題



《中國野史集成》編委會
四川大學圖書館 編

	中
集	國
成	野
⑤	史

先秦—清末

巴蜀書社

目錄 (第五冊)

馬氏南唐書	一	朝野僉言	三八〇
幸蜀記	九九	朝野遺記	三八一
錦里耆舊傳(原缺卷一至四)	一〇四	劉豫事迹	三八五
蜀檣机	一二九	北狩行錄	四〇六
吳越備史	一五一	北狩見聞錄	四一三
三楚新錄	二三七	南燼紀聞錄	四二〇
征南錄	二四五	靖康傳信錄	四四五
曾公遺錄(存卷七至卷九)	二四九	靖康紀聞	四六四
青溪寇軌	三四四	張邦昌事略	五〇八
青溪弄兵錄	三四九	建炎進退志	五一四
宣和乙巳奉使金國行程錄	三五三	建炎時政記	五四四
甕中人語	三五七	東巡記	五六九
開封府狀	三六〇	從駕記	五七〇
呻吟語	三六七	建炎維揚遺錄	五七二
避戎嘉話	三七六	建炎復辟記	五七八
		己酉避亂錄	五九七
		建炎筆錄	六〇六
		辨誣筆錄	六二六

馬氏南唐書

自序

傳曰太熙之後述史者幾乎闕矣唐季五季（一）有史而太熙之風往往有之南唐錢謙史官高（二）悉取史草焚之而死徐鉉湯悅奉太宗皇帝敕追錄（三）忘遠取近事皆疎略先祖太博元康世家金陵多知南唐故事旁搜舊史遺文并集諸朝野之能道其事者未及誤次（四）遊捐館舍今輒不自料纂先志而成之列爲三十卷雖有媿於筆削而誅亂尊王亦庶幾焉崇寧乙酉春正月陽羨馬令

南唐書自序

南唐書目錄

卷一

先主書

卷二

嗣主書

卷三

嗣主書

卷四

嗣主書

卷五

後主書

南唐書目錄

卷六

女憲傳

元恭朱后

光穆鍾后

周后

徐主

余洪妻鄭氏

卷七

宗室傳

楚王景遙

齊王景達

种氏

昭惠周后

保儀黃氏

永興公主

渤海吳媛

晉王景遂

江王景遷

太子冀

韓王從善

吉王從謙

從信

卷八

義養傳

徐宣祖

徐知詢

徐知諫

徐知諤

卷九

慶王茂

鄧王從益

從慶

宣城公仲宣

徐知訓

徐知誨

徐知證

南唐書目錄

列傳

周本

王與

高審思

李建勳

卷十

列傳

嚴續

游簡言

徐玠

李德誠

李章

韋建

常夢錫

潘承祐

張延翰

李夷鄴

卷十一

列傳

刁彥能

馬仁裕

柴克宏

王崇文

卷十二

列傳

盧文進

王彥儔

陳誨

南唐書目錄

卷十三

儒者傳

韓熙載

高越

卷十四

儒者傳

劉洞

汪台符

郭昭慶

伍喬

夏寶松

周宗

何敬洙

劉崇俊

邊鏞

李金全

林仁肇

申屠令堅

三

江文蔚

孫勳

江為

史虛白

康仁傑

周彬

徐鎔

卷十五

隱者傳

江夢孫

陳貺

許堅

顏詡

卷十六

義死傳

劉仁瞻

張彥能

卷十七

南唐書目錄

義死傳

皇甫暉

陳喬

朱令贊

卷十八

廉闇傳

姚景

馬文義

苛政傳

張宣

卷十九

沈彬

陳陶

毛炳

鄭元素

孫晟

鄭昭業附

四

孟堅

劉彥貞

胡則

魯崇範

許規

李德柔

誅死傳

褚仁規

李德明

鍾謨

潘佑

卷二十

黨與傳

宋齊邱

卷二十一

黨與傳

陳覺

南唐書目錄

馮延巳

魏岑

卷二十二

歸明傳

蕭儼

邵拙

盧絳

李元清

歸明傳

朱弼

王建封范仲敏附

皇甫繼勳

張繼傳亡餘附鍾謨

李平

李徵古

馮延魯

查文徽

劉承勳

舒雅

劉茂忠

陸昭符

孟賓子子歸唐

五

潘賁

羅穎

邱旭

湯悅附

徐鉉附

卷二十四

方術傳

吳紹

李冠

潘展

卷二十五

南唐書目錄

談諧傳

申漸高

楊名高

彭利用附

卷二十六

浮屠傳

小長老

元寂

妖賊傳

張遇賢

蒯綽

盧郢

黃載

張洎附

木平和尙

道士譚紫霄

女冠耿先生

六

李家明

王感化

北僧附

應之

諸祐

叛臣傳

劉澄

劉從效附

卷二十八

滅國傳

閩王氏殷

卷二十九

滅國傳

楚馬氏

卷三十

建國譜

南唐書目錄

世系譜

宋元

七

南唐書提要

南唐書三十卷宋馬令撰令宜興人陳振孫書錄解題載令自序稱其祖太博元康世家金陵多知南唐故事未及撰次今續先志而成之寶崇寧乙酉云云則令乃北宋末人此本不載令自序蓋偶佚也元趙世延所作陸游重修南唐書序稱馬元康胡恢等迭有所述今復罕見竟以為令祖元康所作殆當時未睹其本故傳聞致誤歟其書首為先主書一卷嗣主書三卷後主書一卷蓋用蜀志稱主之例次女憲傳一卷列后妃公主而附錄列女二人次宗室傳一卷列楚王景遷等十二人而從度從信二人有錄無書次義養傳一卷列徐溫及其子六人附錄二人次為列傳四卷次儒者傳二卷次隱者傳一卷次義死傳二卷次廉隅傳次苛政傳共一卷次誅死傳一卷次黨與傳二卷次歸明傳二卷次方術傳一卷談諧傳一卷皆優人也而附以迂儒彭利用次浮屠傳次妖賊傳共一卷次叛臣傳一卷次滅國傳二卷閩王氏楚馬氏也次建國譜次世系譜共一卷建國譜者即地理志世系譜者敘李氏所自出也每序贊之首必以嗚呼發端蓋欲規仿五代史記頗類效顰於詩話小說不能割愛亦不免蕪雜瑣碎自穢其書又如建國譜之敘地理僅有軍州而無縣則省不當省世系譜不過出自唐吳王恪於先主書首一句可畢而複述

南唐書提要

其子六人附錄二人次為列傳四卷次儒者傳二卷次隱者傳一卷次義死傳二卷次廉隅傳次苛政傳共一卷次誅死傳一卷次黨與傳二卷次歸明傳二卷次方術傳一卷談諧傳一卷皆優人也而附以迂儒彭利用次浮屠傳次妖賊傳共一卷次叛臣傳一卷次滅國傳二卷閩王氏楚馬氏也次建國譜次世系譜共一卷建國譜者即地理志世系譜者敘李氏所自出也每序贊之首必以嗚呼發端蓋欲規仿五代史記頗類效顰於詩話小說不能割愛亦不免蕪雜瑣碎自穢其書又如建國譜之敘地理僅有軍州而無縣則省不當省世系譜不過出自唐吳王恪於先主書首一句可畢而複述

於唐書以前尤繁不當繁亦乖史體均不及陸游重修之本然椎輪之始令亦有功且書法亦謹嚴不苟故今從新舊唐書之例並收錄焉

南唐書提要

南唐書卷一

守瓶書屋藏本

墨海金堂 史部

宋 馬令 撰

先主書第一

土運中圯諸侯跋扈基構自吳紹子唐祚作先主書

先主姓李唐宗室裔也小字彭奴其父榮榮之父志志之父

超超早卒志為徐州判司因家焉榮性謹厚適丁世亂晦迹

民間號李道者彭奴以光啓四年生於彭城未名故流寓濠

泗吳武王楊行密克濠州得之奇其狀貌養以為子而楊氏

諸子不能容行密以乞徐溫乃姓徐名知誥溫嘗夢水中真

龍十數溫獲一龍而瘠翌日得知誥知誥奉溫以孝問從溫

出不如意杖而逐之及歸拜迎門溫驚曰爾在此也知誥泣

南唐書卷一

一

曰為人子捨父母何適父怒而歸母子之常也溫由是愛之

逮壯身長七尺廣額隆準精彩錄人語聲清暢常緩行從者

濶步不能及相工云此龍行虎步也從溫攻伐身先士卒為

樓船軍使以舟兵屯金陵柴再用攻宣州用其兵殺李遇以

功拜昇州刺史時江淮初定州縣更多武夫務賦斂為戰守

知誥獨好學接禮儒者能自勵為勤儉以寬仁為政遠近嚮

風郡政大治徐溫鎮潤州以昇宣常池黃為屬溫聞知誥理

昇州有善政往視之見其府庫充實城壁修整乃徙治之而

遷知誥潤州刺史知誥初不欲往屢求宣州溫不與時溫嫡

子知訓為淮南節度副使秉國政知誥至京口不樂既而知

訓為朱瑾所殺溫居金陵未及聞知誥居潤州近廣陵得先

聞卽日以州兵渡江定亂遂爲淮南節度副使溫至以次子知詢等皆少用知誥猶愈於他人因留輔政宋齊邱曰潤州之命實天贊也初徐氏諸子不齒知誥而知訓尤恃嘗召知誥飲酒伏劍士欲害之行酒吏刁彥能酒至知誥以手爪搶之知誥悟起走乃免後知誥自潤州入覲知訓與飲於山光寺又欲害之徐知諫以謀告知誥知誥起遁去知訓以劍授刁彥能使追殺之及於中途而還給以不及由是得免及知訓死溫意潤州預謀就知訓廨有土室繪畫溫像身被五木諸弟皆執縛受刑而盡知訓表冕正座皆署其名溫見之唾曰狗死遲矣知誥因得疏其罪惡由是內外全活者甚衆而死者猶數家知訓與僧修睦親狎得偽識數紙皆修睦手書

南唐書卷一

三

溫求修睦殺之越人寇毘陵溫伐越知誥以王府兵會戰於無錫前軍敗賊乘之甚急溫暴得熱疾不能治軍知誥率所領疾戰大破之斬首數千級越人棄輜重夜遁時四境底定惟越人爲梗因此請平而兵甲遂戢知訓之行事也常陵弱楊氏而驕侮諸將遂以見殺及知誥秉政乃寬刑法推恩信起延賓亭以待四方之士引宋齊邱駱知詳王令謀爲館客士有羈旅於吳者皆齒用之常陰使人察視民間有凶荒置乏者賜給之盛暑未嘗張蓋操扇左右進蓋必却之曰士衆尙多暴露我何用此以故溫雖遙秉大政而吳人頗歸知誥武義元年拜左僕射知政事漸復朝廷紀綱修典禮舉法律以抑強暴中外謂之政事僕射溫行軍司馬徐玢勸溫以已

子代知誥溫遣子知詢入廣陵謀代知誥秉政會溫病卒知詢奔還金陵嗣溫爲節度使諸道都統所爲多不法常謀知誥知誥使諭之入朝遂留爲左統軍吳主僭帝號改元乾貞知誥自欲尊大故奉楊溥尊號知誥累遷侍中中書令太尉書溥僭號則南唐之罪著矣都督中外諸軍事封潯陽公改封豫章公太和三年公出鎮金陵如溫之制以長子景通爲司徒平章事居中輔政以王令謀宋齊邱爲左右僕射同平章事四年封公爲東海郡王五年進封齊王始書小字書名既而六年召景通至金陵爲鎮海軍節度副使以其次子景遷爲太保平章事與令謀等秉國政天祚元年王進位太師天下兵馬大元帥二年景遷病以次子景遂爲門下侍郎參知政事冬安遠軍盧文進來

南唐書卷一

三

降三年閩越諸國皆遣使勸進人望已歸於是加殊禮建齊國置宗廟以宋齊邱爲左丞相徐玢爲右丞相冬十月受吳禪攝太尉楊璘奉土皇帝璽綬國號大齊改元昇元策吳主曰受禪老臣知誥謹上策皇帝爲高尙思元宏古讓皇帝追尊考溫爲武皇帝自溫以上不追尊則復姓之心見矣子景通吳王景遂壽王景達信王弟知證江王知諤饒王以建康爲西都廣陵爲東都十有二月己卯朔日有白虹二以揚州海陵縣爲泰州割泰興鹽城興化如皋四縣屬焉以海陵制置使褚仁規爲刺史廬州周本卒凡書某州某人皆其節度使帝輟視朝一日食不舉樂書帝書記書制其罪同甲午皇后宋氏受寶冊是歲閩王昶貢方物于京師天子使散騎常侍盧損如閩冊昶閩王不

受賜自號曰僭帝號改元矣南唐書帝故不受王爵凡書京師皆中原也書天子尊正統以別諸國僭偽

二年春三月壬子日有白虹二壬申大星流于東方夏四月遷讓皇于丹陽以王興為浙西節度使留後馬思讓為丹陽宮使以嚴兵守之徐氏諸子屢請帝復姓帝謙抑不忍忘徐氏恩下其議百官百官皆請乃復姓李改名昇國號大唐遂考服屬當吳王恪後建唐廟祀高祖太宗以下如唐舊典追尊吳王恪為孝靜皇帝廟號定宗超為孝平皇帝廟號成宗志為孝安皇帝廟號惠宗榮為孝德皇帝廟號慶宗奉徐武皇廟號義祖徐氏二王如初諸孫皆郡公女郡縣主齊臺門下侍郎張居詠中書侍郎李建勳皆平章事吳中書侍郎張延翰為右僕射平章事以虔州李章鎮廬州神武統軍王安

南唐書卷一

四

為百勝軍節度使秋七月則書首月冬十月戊寅天子受徽號于契丹曰英武明義皇帝尤非常錢元瓘以嘉興縣為秀州十有一月以步騎八萬講武于銅橋賜將吏以下金帛有差讓皇殂帝率百官素服哀臨命有司供具如吳舊禮謚曰睿十有一月福州亂連重遇弑其君起立王子曦王子延政爭立於是僭位于建州國號大殷他因悉書者為保吳世子大三年取問張本璉先娶帝女是為永興公主璉以公主故為中書令康化軍節度使

三年春正月丙申詔曰比者干戈相接人無定主地易而弗載桑隕而弗蠶衣食日耗朕甚憫之其嚮風面內者有司計口給食願耕植者授之土田仍復三歲租役於嚮仁不異遠

化無世邇其務宜流以稱朕意二月池州楊璉卒以統軍王彥傳為康化軍節度使詔公卿以下議定郊祀門下侍郎平章事居詠中書侍郎平章事建勳等議曰孔子云郊祀后稷以配天宗祀文王於明堂以配上帝此萬世不易之法也昔長孫無忌請祀高祖於圓丘以配昊天上帝祀太宗於明堂以配上帝蓋得之矣今國家嗣興唐祚追尊孝德而以神堯為肇祀之祖宜以神堯配天於圓丘以孝德配上帝於明堂禮也其服物制度古有常儀一切偽飾願皆罷去奏可司徒齊邱請依春秋郊以四月上辛常夢錫駁曰案禮天子之郊以冬至不卜日魯侯之郊以仲春卜上辛今之四月非郊之時齊邱固爭遂用夏四月夏謂為夏商之夏議者多哂之詔

南唐書卷一

五

曰禮莫重於享帝孝莫大於隆親事實重大承以輕豈可謂無其德而用其事祇加畏焉於嘻爾公爾侯各揚厥職不供迺事國有常典夏四月上辛始郊祀於圓丘大赦境內是夜月當以子初沒而升壇之際皎然如晝眾咸異之遍行封賞羣臣請上徽號不許因請之帝曰朕以眇躬託于民上夙夜祇畏常恐弗類矧迺徽號用揚虛美是重弗類固不許因此廢徽號之禮州郡言符瑞者十數帝曰謹告在天聰明自民嚮以麟削葬以符亡常謹天戒猶懼或失之符瑞何為哉皆抑而勿揚言五代同居者七家其尤著者江州陳氏元和給事中京之後宗族七口每日設廣席長幼以次坐而共食有畜犬百餘共一牢食一犬不至諸犬為之不食建書樓於

別聖以延四方之士肄業者多依焉鄉里率化獄訟希少遠近歎異之皆讞復征役旌表門閭秋七月庚子朔日有蝕之八月鄂州張宣卒以潤州留後王興代金吾衛大將軍馬仁裕出為鎮海軍節度使留後冬十月

四年春正月夏四月樞密使周宗出為奉化軍節度使六月安州節度使李金全來降遣鄂州屯營使李承裕帥師迎之承裕與晉將馬全節安審暉戰于安陸承裕及裨將段處恭戰死監軍通事舍人杜光鄴及其兵五百人被執天子厚賜之遣還帝致書于晉復送光鄴等請以敗軍行法天子又遣之帝以甲士臨淮拒之乃止天子晉高祖也書帝致書于晉惡其抗也以金全為宣威統軍洪州李德誠卒以宣州徐玠代以江州徐知證為

南唐書卷一

六

寧國軍節度使梁王徐知諤卒秋八月廬州李章卒以潤州馬仁裕代以天威統軍盧文進為鎮海軍節度使冬十月幸東都存省故老宴于舊宅踰月還十有二月左僕射平章事張延翰卒

五年春正月虔州王安卒以統軍賈浩為百勝軍節度使三月誅泰州刺史褚仁規夏四月秋九月壬子有星孛于天市錢元瓘卒佐嗣位冬十有二月葬吳越文穆王凡他國廢立卒葬統殺告

則書

六年春三月廬州馬仁裕卒以滁州刺史周鄴為保信軍節度使留後夏四月南漢劉襲卒玢嗣位葬劉襲僭諡天皇大帝以其僭僞惡重故書與吳越吳璠璣璠璣氏遷讓皇子孫帝偽撰此字以為名自云取飛龍在天之義

於海陵號永寧宮嚴兵守之絕不通人久而男女自為匹偶吳人多哀憐之猶書吳人者以詔吳王景通為太子景通表其思舊之民也曰古之立太子所以崇正嫡息覬覬如臣兄弟稟承聖教實為敦睦願寢此禮三表許之乃以大元帥總百揆改封齊王以駕部郎中馮延巳為元帥府掌記壽州高審思卒以侍衛諸軍都虞候姚景為清淮軍節度使六月乙丑天子崩晉高秋七月丞相大司徒宋齊邱為鎮南軍節度使以洪州徐玠為司徒侍中帝曰豫章大司徒維系也衣錦晝行古人所貴以錦袍賜之齊邱至鎮衣以視事羣臣咸謂江淮之地頻年豐稔兵食既足士樂為用天意人心未厭唐德宜廣土宇攻自潭越始帝曰吾少長軍旅見于戈之為民患甚矣吾不忍

南唐書卷一

七

復言兵革使彼民安則吾民亦安矣吳越災官室府庫甲兵殆盡羣臣復請乘其弊帝曰今大敵在北方平則諸國可尺書召之何以兵為輕舉者兵之大忌宜蓄財養銳以俟時焉使使唁越于武林厚幣以賜其闕冬十月詔曰前朝失御強梗崛起大者帝小者王不以兵戈利勢弗成不以殺戮威武弗行民受其弊蓋有年也或有意於息民者尚以武人用事不能宣流德化其宿學巨儒察民之故者岷巖之下往往有之彼無路光亨而進以拊僞為嫌退以清寧為樂則上下之情將何以通簡易之政將何所議乎昔漢世祖數年之間被堅執銳提戈斬敵一日晏然而兵革之事雖父子之親不以一言及之則兵為民患其來尚矣今唐祚中興與漢頗同

而眇眇之身坐制元元之上思所以舉而錯之者熒熒在疚罔有所發三事大夫可不務乎自今宜舉用儒者以補不逮於是稍用儒臣漸去苛察又將修復故事為後代法未果行而帝疾作

七年春二月詔曰迺公迺侯越百執事欽承嗣命命爾保元子璟祇肅天鑒社稷宗廟永有終我不敢知曰其基永昌我亦不敢知曰墜命罔後天不爾誌祐于有德厥位艱哉翌日殂于路寢壽五十六葬永陵謚光文肅武孝高皇帝廟號烈祖

徐鉉曰烈祖少長喪亂知人艱苦故不以富貴自處唯務節儉身為宰相事養父母如禮飲食皆親侍或遇疾不解

南唐書卷一

八

帶溫常責諸子曰汝輩能如是乎及建號即金陵使府為宮唯加鳴尾欄檻而已終不改作接見親族如家人禮尊長者親拜之晚年服金石藥性多躁怒百司奏事必至厲聲訶責羣臣或正色抗辭以對事理明白必敘容慰勉之旬日之後多有恩澤故人思盡力決死刑用三覆三奏之法文武亡歿子孫隨才以敘不限資廕或營其婚嫁幼未堪任與其無嗣者內帑以給之有親老者倍其數死王事者下至卒伍皆三年給其全俸故士無貴賤悉亡身外之憂

嗚呼積厚者流澤遠積薄者流澤狹不其然乎舜之後千餘年而有陳陳亡而田氏專政於齊禹之後千餘年而有杞杞

削而句踐得志於越後世之君建大義於一時而德不若舜禹者亦隨其澤之遠近而興起焉故晉以天下喪於狄人而瑯琊繼之唐以天下篡於朱梁而烈祖紹之然則盜名器操生殺制一方之命抗萬乘之勢者豈非天歟烈祖之起雖無雄才大略而深沈寬裕本於天性幸而適丁中原擾攘之際故數年之間有足觀者

南唐書卷一

南唐書卷一

九

南唐書卷二

嗣主書第二

民靡有定誰其莫之弃師閭楚命委與戶作嗣主書

嗣主諱璟字伯玉初名景通烈祖元子也美容止器宇高邁性寬仁有文學甫十歲吟新竹詩云棲鳳枝梢猶軟弱化龍形狀已依稀人皆奇之起家為尚書郎吳讓皇見之曰吾諸子皆不及也累遷諸衛大將軍典治軍旅撫納將校烈祖出鎮金陵拜璟司徒平章事知內外諸軍事加諸道副都統烈祖受禪封吳王累遷太尉中書令諸道元帥錄尚書事改封齊王既當儲副之地而固讓再三謙虛下士常若弗及烈祖殂受顧命猶讓諸弟辭益堅侍中徐玠以表覓被之曰大行

南唐書卷二

一

付殿下以神器之重殿下固守小節非所以遵先旨崇孝道也乃嗣位改元保太常博士韓熙載上疏曰踰年改元古之制也事不師古弗可以訓時雖可其奏而制書已行遂改元冊母宋氏為皇太后妃鍾氏為皇后弟景遂改封燕王弟景達改封鄂王弟景邊改封保寧王長子冀南昌王文武進位有差洪州宋齊邱入為左丞相江州周宗入為右丞相以元帥府掌書記馮延巳為諫議大夫翰林學士夏四月戊申朔日有食之中書侍郎平章事李建勳罷為昭武軍節度使南漢劉晟弑其君玢自立為帝不書僧者玢之前已廢也五月司徒兼侍中徐玠卒秋七月燕王景遂改封齊王拜諸道兵馬大元帥太尉中書令鄂王景達改封燕王拜副元帥宣告中外以

兄弟相傳之意以元子南昌王冀為江都尹東都留守子以子相傳不易之典惟仰循古道以裕後昆疏奏不報冬十月庚戌有星孛于東方妖賊張遇賢聚眾十餘萬陷虔州諸縣諸縣虔州城守遇賢據白雲洞命洪州營屯都虞候嚴思禮通事舍人邊錫討賊錫思禮擒遇賢及賊副黃伯雄謀主僧曹景全斬於建康市以嚴思禮為海州刺史邊錫為洪州營屯諸軍都虞候貶百勝軍節度使買浩為監門衛將軍更使故善池州安置以饒州刺史李翱為百勝軍節度使留後十有二月下令中外庶政並委齊王景遂參決文武百司唯樞密副使魏岑查文徽得白事餘非召對不得見蕭儼上書極

南唐書卷二

二

論曰元帥開府人猶驚駭況委之大政而羣臣不得時見臣恐中外隔絕奏入得志非陛下之利也書奏不報侍衛軍都虞候買景詣閤求見曰臣事先朝二十餘年每見延接疎遠未嘗壅隔羣下之情罔有不達今陛下始即位所委任者何人而頓與羣臣謝絕深居遠處而欲聞民瘼猶惡陰而入乎隧道也臣老矣長不復奉顏色因涕泗嗚咽帝深為感動引與之坐賜食而出始以手札批喻儼等曰旻天不弔降此鞠凶越予小子常恐弗類子厥德用災子厥躬故退處恭默思慮于道而壅隔之弊以為卿憂惟予小子實生厲階由是所下之令遂寢時宋齊邱周宗為左右丞相齊邱專執而宗純謹自守及上心既悟齊邱乃言其非便帝曰公何不早誨我

遂罷齊邱為浙西節度使齊邱黨與隆熾造作飛語以誣宗
宗泣而上訴帝知之弗問此為明年宋齊邱上表乞歸九華
舊隱許之賜號九華先生封青陽公食青陽一縣

二年春正月右丞相周宗罷除江西節度使門下侍郎平章
事張居詠罷除浙西節度使二月辛卯日有白虹二三月左
衛上將軍盧文進卒夏閩人朱文進連重遇弑其君職重遇
立文進使來告亂因其使議伐閩以民疫釋閩使遣之夏四
月秋七月鄂州王與卒以神武統軍韋建為武清軍節度使
備書官職者新命也書某州某人代者移鎮也壽州姚景卒以濠州劉崇後代以楚
州刺史劉彥貞為濠州觀察使九月庚午朔口有食之冬十
有二月馮延巳為翰林學士承旨水部員外郎馮延魯為中

南唐書卷二

三

書舍人延魯銳於功名欲興建州之役乃贊中書舍人查文
徽為江西安撫使翰林待詔臧循者嘗賈於閩具知山川險
易為文徽陳進兵之計文徽因是請伐閩乃命邊鑑率洪州
屯兵與文徽俱行遂入建陽王延政遣統軍使吳承祐以遊
兵巡福州境紿曰唐助我討賊大軍至矣福州信之連重遇
殺朱文進裨將林仁翰殺重遇而共首歸承祐延政以其子
繼昌守福州親率眾以拒我師五郡之兵大集敵勢甚盛文
徽等次于蓋竹退復屯建陽啟求濟師

三年春二月遣祖全恩何敬洙率萬人以應文徽與延政陣
隔水全恩使建陽降將孟堅潛師出其後裨將武彥暉馬存
貴以輕銳繼之腹背夾擊延政大敗以餘兵守城閩人李仁

達殺其君之子繼昌前年以福州降延政故以延政為君及其統軍吳承祐立
雪峯僧卓儼明為主儼明無統御之略仁達又殺之而白稱
留後遣使來降即以仁達為威武軍節度使延政益不振建
州之險要曰西巖延平津相繼而平夏四月秋七月庚辰星
見而風雨八月甲子朔日有食之遂克建州執王延政歸于
建康授羽林大將軍安化軍節度使封郡陽王泉州刺史王
繼勳漳州刺史王繼成汀州刺史許文縝皆請降因而鎮撫
之諸將下建州兵無節制剽掠甚眾閩人失望帝以出師有
功不錄其過升建州為永安軍以祖全恩為節度使查文徽
為撫州刺史何敬洙為楚州刺史偏將王建封先登功第一
為信州刺史全恩未拜而卒以廬州王崇文鎮建州泉州裨

南唐書卷二

四

將劉從效劫刺史王繼勳使之入朝從效自領州事於是王
繼成許文縝皆至建康以繼勳為池州團練使繼成為和州
刺史文縝為廬州刺史即以劉從效為泉州刺史冬十月皇
太后宋氏殂以延平津為劍州劉建州之劍浦汀州之沙縣
屬焉以建州裨將陳誨為劍州刺史以龍衛都虞候劉仁贍
為武清軍節度使升泉州為清源軍以泉州刺史劉從效為
節度使

四年春正月陳覺諷齊王景遂言宋齊邱先朝布衣之舊委
諸山林不允中外之望帝使景遂至青陽召之起拜太傅奉
朝請而已以撫州李建勳為左僕射門下侍郎平章事中書
侍郎馮延巳拜平章事吏部尚書徐連為鎮海軍節度使

月壬戌朔日有食之命建州製的乳茶號曰京挺騰茶之貢自此始罷貢陽羨茶夏四月侍衛諸軍都虞候賈崇爲奉化軍節度使留後葬元恭皇后于永陵六月壽州劉崇俊卒以濠州觀察使劉彥貞爲清淮軍節度使侍衛諸軍都虞候郭全義出爲濠州觀察使以劉崇俊子範爲滁州刺史建州之役府庫中耗民不堪命故李仁達劉從效皆羈縻而已至是諸將請討之不許宋齊邱薦陳覺爲福建路宣諭使說仁達入覲不從覺還至建安矯制發建汀撫信之師及防戍之兵掩其不意徑至城下時魏岑安撫漳泉聞變起兵亦擅發兵應覺帝大怒馮延巳等爲言兵業行不可止乃以王崇文爲招討使王建封爲副使益兵以會之馮延魯爲南面監軍使

南唐書卷二

五

魏岑爲東面監軍使陳覺爲諸軍監軍使仁達送款於吳越吳越以兵三萬應之覺等爭功進退不相應延魯及吳越戰延魯敗績諸軍皆潰帝怒遣使者鎖覺延魯至金陵而馮延巳爲宰相宋齊邱亦預三公稍解之員外郎韓熙載諫曰臣觀覺等罪不容誅但齊邱延巳內爲陳請所以得全且擅興者不罪則疆場生事喪師者獲存則行陣解體請行顯戮以重軍威帝曰齊邱延巳有自咎之表無請赦之辭覺等五木被體一家狼藉永不得錄用與死何殊乃流覺斬州流延魯舒州齊邱惡之貶熙載和州司馬冬十有二月壬戌契丹及晉師戰于中渡晉師敗績丙寅杜重威李守貞以王師降于契丹癸酉張彥澤引蕃騎陷京師彥澤剽劫屠害甚衆晉帝奉

表納璽於戎主以其失利勢是歲中原無主密州刺史皇暉青州刺史王建及沿淮諸戍皆來降方且疲兵東南不暇北顧馮延巳延魯魏岑陳覺皆以姦回得用人情不平旣流延魯及覺而延巳爲相岑亦居近密於是御史中丞江文蔚疏其罪曰二凶雖去未稱民情四罪盡除方明國典帝大怒貶文蔚江州司士參軍亦罷延巳爲太子少傅岑爲太子洗馬漳州裨將林贊義殺監軍周承義以叛討平之以泉州裨將董思安爲漳州刺史思安辭以父名章命改漳州爲南州副使劉從願殺思安自領州事南州復爲漳州

南唐書卷二

南唐書卷二

六

嗣主書第三

五年春正月晉帝舉族出封邱門契丹主次于京城北不見
帝彼不與之見也猶書曰京城者甚契丹之惡也文武百官素服紗帽俯伏俟罪契
 丹主命起之親加慰撫遂入都城據大內改京師為都已丑
 斬張彥澤於東市以其罪庚寅洛京留守景延廣自扼其喉
 死辛卯契丹廢晉帝為光祿大夫檢校太尉封負義侯黃龍
 府安置此中原之事悉書者契丹使來告曰晉少主逆命背
 約自貽廢黜吾主欲與唐繼先世之好將冊命唐為中原主
 帝命近臣對曰唐守江淮社稷已固與梁宋阻隔若爾主不
 忘先好惠錫行人受賜多矣其他不敢拜命之辱遣兵部侍

南唐書卷三

郎賈渾報聘帝歎曰閭役億矣其能抗衡中原乎以齊王景
 遂為太弟燕王景遂為元帥改封齊王元子南昌王冀為副
 元帥封燕王依前東都留守安樂公茂為侍衛諸軍都虞候
 二月丁巳朔契丹改晉都為大遼國肆書改元會同晉謂之
漢本立也不謂之京師者中原無辛未漢帝即位天子即位
主也不書赦不與契丹教中國也辛未漢帝即位天子即位
 改晉開運四年為天福十二年常也漢稱天福十二年亦非
 也二月宣州徐知證卒夏四月丙子太白晝見以皇甫暉為
 神衛軍都虞候秋八月以太傅宋齊邱為鎮南軍節度使周
 宗為寧國軍節度使錢佐卒僚襲位冬十有一月壬子雨木
 冰辛酉雨木冰癸酉雨木冰十有二月越人胡進思廢其君
 俥囚於義和院錢俥入是歲馬希範卒希廣襲位

六年春正月越人立俥遷俥于東府丁丑天子崩漢高祖以太
 子少傅馮延巳為昭武軍節度使夏四月廬州周鄴卒五月
 葬楚文昭王葬吳越忠獻王越亂六月庚寅朔日有食之秋
 漢伐河中圍李守貞守貞遣從事朱元李平奉表來乞師以
 潤州李金全為西面行營招撫使壽州劉彥貞為副諫議大
 夫查文徽為監軍使兵部侍郎魏岑為沿淮巡撫使聞河中
 平遣班師冬十有一月高從誨卒保庸嗣位葬南平文獻王
 七年春正月淮北諸盜來附以神武都虞候皇甫暉裨將張
 繼蕭處恭帥師出海泗諸郡以右散騎常侍張義方為監軍
 使納賊帥咸師朗以歸二月以中書舍人嚴續為奉化軍節
 度使以江州賈崇為神武統軍侍衛諸軍都指揮使夏四月

南唐書卷三

壬申太白晝見贈故廬山江夢孫國子司業六月癸酉朔日
 有食之秋七月殺天威統軍都虞候王建封八月以建州王
 崇文鎮廬州以諫議大夫查文徽為永安軍節度使留後冬
 十有二月日暈三重
 八年春正月詔曰春秋日食地震星孛木冰可謂甚矣比者
 災異仍多豈人君不德以召之耶抑亦天心之仁愛而譴告
 之也朕甚惕焉曩者兵連閭閻武夫悍將不喻朕意而務為
 窮黷以至父征子餉上違天意下奪農時咎將誰執在子一
 人其大赦境內窮民無告者大賜粟帛二月以東都留守燕
 王冀為潤宣二州大都督鎮京口宣州周宗為東都留守福
 州詐言吳越戍兵亂殺李仁達而遁遣人告急于建州節